



## Universitätsbibliothek Paderborn

**Vademecum Sive Praxis Opera Quotidiana Aliaque ritè  
peragendi, & per ea salutem& perfectionem propriam, ac  
proximi, instituto Societatis Jesu conformem assequendi**

**Limpens, Ferdinand**

**Coloniæ Agrippinæ, 1744**

§.II. Observanda pro studiis.

[urn:nbn:de:hbz:466:1-54750](#)

jam dictis clarè patet, quanta & ratione boni communis, & privati cuiuslibet incumbat obligatio, Superioribus (*qui per vigilant quasi rationem pro animalibus sibi concreditis reddituri*) urgendi, ut statu tempore meditatio ab omnibus obseretur; ita & patet, quod tu, si ingenuum te vis exhibere Societatis filium, singulare solarium illis constanter adferre debeas, tum accuratâ præscripto tempore meditationis observatione; tum non extortâ, sed spontaneâ indicatione defectus commissi, & simul temporis, quo meditationem habueris, aut habiturus sis; si fortè somnus vel oscitantia, aut etiam superveniens imbecillitas aliqua te horâ meditationis consuetâ impedivit. *3tiò*, sive te indies ad id constitutus, sive Superior visitet; eum tanquam Angelum Tutelarem venerare, cui in agone cum intimo animæ tuæ solatio dicere possis: *Visitatio tua custodivit spiritum meum*, Job. 10. eò quod hoc subsidio unita manserit æternæ prædestinationis catena, quæ per neglectum puneti in spiritualibus præcipui facile dissolvitur.

## §. II.

*Observanda pro studiis:*

**D**icatur præviè oratio: *DEUS, qui corda fidelium S. Spiritus illustratione Eccl. vel pro varietate: Da mihi sedium tuarum affricem sapientiam, Et noli me reprobare à pueris tuis [Confratribus meis, ut æquè ac illi in scientiis vocationi*

De operibus quotidianis.

9

tioni meæ conformibus proficere possim) quoniam servus tuus sum ego, nec quæro per studia aliud, quam tuum cum sincera intentione servitum. P. 4. Constit. c. 4. Nam & si quis erit (in scientiis) consummatus inter filios hominum, si ab illo abs fuerit sapientia tua [timor DEI, humilitas, sincera intentio] in nihilum computabitur; mitte illam de cœlis sanctis tuis, & à sede magnitudinis tua, ut tecum sit, & tecum laboret: ut sciam, quid acceptum sit apud te. Sap. 8.

Sub studio eleva subinde mentem ad DEUM, purifica intentionem, in dubiis ad DEUM cum S. Thoma Aquinate confuge dicere solito, quidquid sciret, se non tam studio suo aut labore peperisse, quam divinitus traditum accepisse, juxta illud: Si Dominus magnus voluerit, spiritu intelligentiae replebit illum, & ipse tanquam imbras mittet eloquia sapientiae sua. In oratione confitebitur Domino, & ipse diriget consilium ejus, & disciplinam. Eccl. 39. Notandum quoque est, quod ibidem dicatur, aperiet os suum in oratione, & pro delictis suis deprecabitur: quia pura conscientia de cœlo trahit clariorem rerum abstractarum intelligentiam. Studium peractum per manus B. Virginis, Angeli Custodis, & SS. Patronorum tuorum offer sanctissimæ & individualiæ Trinitati, & ad imaginem Crucifixi te convertens dic cum Doctore Angelico: Non aliam, Domine, mercedem peto, nisi te ipsum. & cum juxta Reg. Prov. 1. in rat. stud. Ex primariis Societatis nostræ ministerii unum sit, omnes disciplinas instituto nostro congruentes ita proximis tradere,

A 5

ut

ut inde ad Conditoris ac Redemptoris nostri cognitionem atque amorem excitentur. Ad hunc quoque scopum studia tua colliment.

## ANIMADVERSIO II.]

## Circa studia.

**I**Nter occupationes diurnas prima est exercitium in spiritualibus. 2da in studiis. Virtus enim & scientia duæ illæ alæ sunt, quibus homini Societatis post comparatum ingens animarum lucrum ad Superos evolandum. Quænam hunc in finem discenda sint à Scholastico Societatis, vide P. 4. Constit. c. 5. Q. 12. 15. &c. & ea sane sunt quamplurima, nec abullo, cum ars sit longa, vita brevis, facile possidenda. Et hinc loc. cit. c. 5. §. 2. dicit S. P. N. quod, qui in omnibus non posset scientiis, curare deberet, ut in aliquâ earum excelleret. Per tò excellere multum innuitur, & multiplex se humiliandi ansa præbetur, maximè, cum vix ullum tam subtile ac vastum sit ingenium, cui in omnibus, vel etiam plerisque ab homine Societatis sciendis, accedente licet impigro & continuo labore, prædicatum excellentiae possis attribuere. Quod si jam amas turpe otium, conversationes, & confabulationes inutiles, aut etiam inordinata & disparata studia, atque à fine instituti aliena; non mereris epitaphium aliud, quam rus iners, & frustra acer.

Studiositatis virtus, quæ affectum & studium sciendi secundum rationis præscriptum moderatur,

etur, duplice simul vicio sibi opposito resistit, dum curiositatem, quâ rebus inutilibus, & statui suo non convenientibus quis vacare gestit, refrænat, & negligentiam, quæ est voluntaria omissione discendi ea, quæ vi Professionis suæ scire quis tenetur, eliminat. Porrò, quia virtus hæc secundum rationis præscriptum, ut modò dictum est, studia moderatur, unâque virtus alteri contraria esse non potest, hinc nec studium debet esse indiscretum [S.P.N. voluit id per duas horas continuatum distractione aliquâ interpolari] nec ob id negligi vel omittri spirituale exercitium. Quare hæc tria sint tibi totius vitæ tempore inconcussa principia.

1. Desiderio quasi insatiabili flagra scientiam scientiæ vocationi tuæ convenienti adjiciendi; sicut avarus eo flagrat (hâc similitudine uti solebat S.P.N.) nummum nummo stipandi.

2. Juxta consuetum in Societate adagium da primas *DEO ac virtuti, secundas valerudini* (nam melior est canis vivus leone mortuo, non tamen in sensu eorum, qui desidiam suam hoc pallio obtengunt) *tertias scientia.* Et sicut indiscretâ sciendi aviditate non sunt enervandæ vires, ità Suarezii Doctoris Eximii exemplum semper præ oculis habe, qui maluit omnem scientiam perdere, quam vel minimum meditationi ac orationi præscriptæ detrahere.

3. Cùm tam varias requirat S.P.N. loc. cit. scientias in Scholastico. In juventute debes te date humanioribus ac altioribus studiis, linguis variis, & bonum saltem fundamentum in histo-

ria sacra ac profana ponere, sed illi te postmodum primariò ac principaliter, & constanter dare, cuius scientiam fundamentalem requirit assignatum tibi officium, ne postmodum, dum ab uno transilis ad aliud, verificetur in te tritum illud: *Qui duos insegitur lepores, neutrum capit, & sic sàpè obest æquè pluralitas talentorum ac studiorum, quam desidia.*

## §. III.

*Recitatio Horarum, Oratio ante negotia,  
Lectio Libri spiritualis.*

*Ante Horas.*

**V**erba mea auribus percipe Domine, intellige clamorem meum, intende voci orationis mea, Rex meus & DEUS meus. Pl. 5. In conspectu Angelorum psallam tibi, adorabo ad templum sanctum tuum, & confitebor nomini tuo super misericordia tua, & veritate tua, quoniam magnificasti super omne nomen sanctum tuum. Pl. 137. Vespere, & manè, & meridie narrabo, & annuntiabo, & exaudies vocem meam. Pl. 54. Appropinque deprecatio mea in conspectu tuo Domine, juxta eloquium tuum damibi intellectum. Pl. 118.

*Post Horas.*

**D**E O nostro sit jucunda decoraque laudatio. Pl. 145. Psalmum dicam nomini tuo in saeculum saeculi, ut reddam vota mea de die in diem. Pl. 60. De Horis Canon. vide plura P. 3.

*Oratio*